



Broj :
Sarajevo, __/__/2004. godine

**Predmet : Zabilješka revizora u vezi revizije u Komisiji za imovinske
zahtjeve raseljenih lica i izbjeglica**

Komisija za imovinske zahtjeve raseljenih lica i izbjeglica CRPC (u daljem tekstu : Komisija), ustanovljena je na osnovu Aneksa 7. Opšteg okvirnog sporazuma za mir u Bosni i Hercegovini ("Dejtonski mirovni sporazum"), radi prikupljanja i odlučivanja po imovinskim zahtjevima izbjeglica i raseljenih lica koji su u toku rata u Bosni i Hercegovini lišeni svoje imovine.

Komisija je zaključila svoj mandat 31.12.2003. godine, a 30.06.2003. godine potpuno zatvorila kancelarije, raspustila domaće osoblje i povukla strano osoblje.

U periodu od 01.01.2004. do 30.06.2004. godine kompletnu poslovnu dokumentaciju Komisije, uključujući i finansijsku, preuzeo je Arhiv BiH. Poslovna dokumentacija uključuje i neriješene zahtjeve raseljenih osoba i izbjeglica trebala bi preuzeti nova Komisija. Bazu podataka koju je posjedovala prethodna Komisija preuzelo je Ministarstvo za ljudska prava i izbjeglice BiH koje treba osigurati da javnost bude informisana o statusu imovinskih zahtjeva raseljenih osoba i izbjeglica.

Na osnovu navedenog, Ured za reviziju nije u mogućnosti u junu 2004. izvršiti reviziju Komisije za 2003. godinu kako je bilo planirano.

Poslovanje Komisije svake godine revidirala je nezavisna revizija «KPMG B-H» d.o.o. Sarajevo. Finansijski izvještaj za 2003. godinu dobio je pozitivno mišljenje. Komisija je u svojim izvještajima prikazala deficit za 2003. godinu u iznosu 117.000 USD.

Komisija je do 30.06.2003. godine izvršavala određene aktivnosti u vezi prenosa nadležnosti i zaključivanja poslovanja. Jedna od aktivnosti bila je vezana za korespondenciju sa Ministarstvom finansija i trezora u vezi neplaćenih obaveza trezora prema raspoloživom budžetu Komisije za dio koji je trebao biti finansiran iz budžeta Bosne i Hercegovine za 2001. godinu. Komisija, prema navodima, traži iz budžeta BiH 455.953 KM i ima neizmirene obaveze prema domaćim dobavljačima i zaposlenom osoblju. Ministarstvo finansija i trezora uputilo je dopis Vijeću ministara sa prijedlogom da se formira komisija Vijeća ministara koja će istražiti ove navode.

Kao što je navedeno, mandat Komisije bio je određen do 31.12.2003. godine od kada je trebalo urediti prenos nadležnosti Komisije na institucije Bosne i Hercegovine. Predviđeno je da finansiranje rada Komisije nakon 31.12.2003. godine bude u potpunosti iz budžeta BiH. Sporazum između Bosne i Hercegovine, Federacije Bosne i Hercegovine i Republike Srpske o prenosu nadležnosti i nastavku finansiranja i rada Komisije saglasno članu XVI Aneksa 7. opšteg okvirnog sporazuma za mir u Bosni i Hercegovini, potpisan je u maju 2004. godine.

Prema navedenom sporazumu, nakon 31.12.2003. godine Komisija bi trebala da se sastoji od sedam članova. Vijeće ministara će predložiti tri člana, a Vlade FBiH i RS će predložiti po dva člana. Predsjedništvo BiH trebalo bi na osnovu tih prijedloga imenovati članove Komisije u roku od 15 dana od dana potpisivanja sporazuma.

Ovi poslovi sa 15.06.2004. godine nisu bili izvršeni, a prema saznanjima, u toku su imenovanja članova Komisije.

Rukovodilac revizije
Kovinčić Dragoljub, viši revizor